

ՀԱՐԿԱՅԻՆ ՎԱՐՉԱՐԱՐՈՒԹՅԱՆ ԸՆԹԱՑՔՈՒՄ ՀԱՐԱՎՈՐ ՀԱՐԿԱՅԻՆ ԻՐԱՎԱԽԱՒՏՈՒՄ ՀԱՅՏՆԱԲԵՐԵԼՈՒՑ ԱՆՄԻՋԱՊԵՍ
ՀԵՏՈ ՀԱՐԿԱՅԻՆ ՄԱՐՄՆԻ ՊԱՏԱՍԽԱՆԱՏՈՒ ՊԱՇՏՈՆԱՏԱՐ ԱՆՁԻ ԿՈՂՄԻՑ ԿԱԶՄՎՈՂ
ԱՐՁԱՆԱԳՐՈՒԹՅՈՒՆ N 29528/2022/ԿՈՒՎԼ/Ա

ք. Երևան

02/09/2022թ.

1. Ֆ/Ա ԱՆԻ ԱՐՇԱԿԻ ՄԽԻԹԱՐՅԱՆ ՀՎՀՀ 40106867

(հնարավոր հարկային իրավախախտում կատարած անձի անունը, ազգանունը, կազմակերպության լրիվ անվանումը, ՀՎՀՀ (առկայության դեպքում)

2. ԵՐԵՎԱՆ ԿԵՆՏՐՈՆ ՍԱՅԱԹ-ՆՈՎԱՅԻ Փ., 33, Շ. 80

(քնակության (գտնվելու վայրի) հասցեն)

3. 8011830287

(հնարավոր հարկային իրավախախտում կատարած ֆիզիկական անձի ՀԾՀ)

4. Հնարավոր հարկային իրավախախտումների նկարագրությունը, ժամանակահատվածը, ձեռքբերված տեղեկությունները և այն իրավական նորմերը, որոնց պահանջները չեն պահպանվել

ՀՀ ոստիկանության «Ճանապարհային ոստիկանություն» ծառայությունից ստացված շարժական գույքի և դրա նկատմամբ գրանցված իրավունքների վերաբերյալ տեղեկությունների համաձայն՝ ֆիզիկական անձի կողմից.

1) 24/12/2021 թվականին օտարվել են 06/07/2015 թվականին ձեռք բերված թվով երկու HOME-MADE HOME-MADE մականիշի 2015 թվականի արտադրության տրանսպորտային միջոցները «ԿԱՊԱՎՈՐ» ՍՊ ընկերությանը (ՀՎՀՀ՝ 90003442)՝ յուրաքանչյուրը 5,000,000 ՀՀ դրամ պայմանագրային արժեքով:

Համաձայն ՀՀ հարկային օրենսգրքի (այսուհետ՝ Օրենսգրք) 29-րդ հոդվածի՝ հարկային գործակալը հարկ վճարողներին եկամուտներ վճարող (հատկացնող կամ բնամթերային ձևով տրամադրող)՝ Օրենսգրքի 58-րդ գլխով սահմանված կարգով հարկային մարմնում որպես հարկ վճարող հաշվառված կազմակերպությունն է, անհատ ձեռնարկատերը կամ նոտարը, որի վրա, Օրենսգրքի համաձայն, դրված է հարկ վճարողներին եկամուտներ վճարելիս (հատկացնելիս կամ բնամթերային ձևով տրամադրելիս) նրանց եկամուտներից հարկերը կամ վճարները հաշվարկելու, պահելու (գանձելու) և ՀՀ պետական բյուջե վճարելու պարտավորությունը:

Հաշվի առնելով այն, որ «ԿԱՊԱՎՈՐ» ՍՊ ընկերությունը չի հանդիսանում հարկային գործակալ՝ ֆիզիկական անձի մոտ վերը նշված օտարման գործարքի մասով առաջանում է եկամտային հարկ հաշվարկելու և ՀՀ պետական բյուջե վճարելու պարտավորություն: Վերոնշյալ շարժական գույքի ձեռքբերման գործարքի մասով «ԿԱՊԱՎՈՐ» ՍՊ ընկերության կողմից վերոնշյալ թվով երկու տրանսպորտային միջոցների համար հաշվարկվել և վճարվել է 1,000,000 ՀՀ դրամ եկամտային հարկի գումար:

Օրենսգրքի 150-րդ հոդվածի 1-ին կետի համաձայն՝ նշված գործարքից հաշվարկվում է եկամտային հարկ 22 տոկոս դրույքաչափով (մինչև 05.05.2022 թվականը գործող խմբագրության համաձայն):

Հաշվի առնելով վերոգրյալը՝ հայտնում ենք, որ ֆիզիկական անձի կողմից վերը նշված հարկվող գործարքի մասով, հարկային մարմին չի ներկայացվել 2021 թվականի եկամտային հարկի և սոցիալական վճարի տարեկան հաշվարկ և չի վճարվել արդյունքում առաջացող հարկային պարտավորությունը:

5. Ձեռքբերված տեղեկությունների սահմաններում պարտավորության նախնական հաշվարկը և պատասխանատվության կիրառման իրավական հիմքերը

Ֆիզիկական անձի կողմից 2021 թվականի եկամտային հարկի և սոցիալական վճարի տարեկան հաշվարկ չներկայացնելու պայմաններում հարկային պարտավորությունների հաշվարկը կատարվում է հետևյալ կերպ.

Օրենսգրքի 150-րդ հոդվածի 1-ին մասի համաձայն՝ եկամտային հարկի հաշվարկման համար հիմք է ընդունվել պայմանագրային արժեքի 22 տոկոսը, ինչպես նաև «ԿԱՊԱՎՈՐ» ՍՊ ընկերության կողմից վճարված եկամտային հարկի գումարը, որը կազմում է՝ 1,200,000 դրամ (10,000,000 դրամ*22%-1,000,000 դրամ):

Օրենսգրքի 401-րդ հոդվածի համաձայն՝ հարկի վճարումը սահմանված ժամկետից ուշացնելու դեպքում ժամկետանց յուրաքանչյուր օրվա համար հարկ վճարողը վճարում է տույժ՝ 0.04 տոկոսի չափով, որը կազմում է՝ 64,800 դրամ (02/09/2022 թվականի դրությամբ) [1,200,000x0.04%x135]:

Այսպիսով, ֆիզիկական անձի կողմից չկատարած հարկային պարտավորությունների գումարը 02/09/2022 թվականի դրությամբ կազմում է 1,264,800 դրամ, որից հարկ՝ 1,200,000 դրամ, տույժ՝ 64,800 դրամ:

Հարկային պարտավորությունները հաշվարկվել են 02/09/2022 թվականի դրությամբ և ենթակա են վերահաշվարկման լրացուցիչ նյութերի ու փաստաթղթերի առկայության և ներկայացման դեպքում:

ՀՀ ՊԵԿ ՀՏՈՎ վարչության ԿՈՒՎ թիվ 4 բաժնի գլխավոր հ/տ

Աննա Շահբաջյան